



UNIVERSITETI I GJAKOVËS  
"FEHMI AGANI"

UNIVERSITY OF GJAKOVA

Rr. "Ismail Qemali", pn 50 000 Gjakovë, Republika e Kosovës  
<http://www.uni-gjk.org>; tel: 038 200 20 831

Kryesues i Këshillit Drejtues  
Prof.Dr. Luan Ahma

Nr. Prot. 05/220  
Datë. 06.04.2017

## Universiteti i Gjakovës "Fehmi Agani"

### RREGULLORE PËR ZGJEDHJET E STUDENTËVE NË UNIVERSITETIN E GJAKOVËS "FEHMI AGANI "

Gjakovë  
Prill 2017

1

Në mbështetje të nenit 138, paragrafi 2, të Statutit të përkohshëm të Universitetit të Gjakovës “Fehmi Agani”, Këshilli Drejtues i Universitetit (KD) në mbledhjen e mbajtur më 06.04.2017, miratoi:

## **Rregullore për zgjedhjet e studentëve të Universitetit të Gjakovës “Fehmi Agani”**

### **I. Dispozitat e përgjithshme**

#### **Neni 1**

Kjo Rregullore përcakton procedurën dhe organizimin e zgjedhjeve për anëtarët e parlamentit të studentëve dhe të këshillave të studentëve të fakulteteve.

#### **Neni 2**

- (1) Studentët kanë të drejtë të themelojnë organizata studentore të cilave mund t'i përkasin të gjithë studentët bachelor dhe master.
- (2) Secila organizatë studentore duhet të ketë statutin e vet që aprovet nga anëtarët e saj dhe në pajtim me këtë rregullore.
- (3) Statuti do të përfshijë parimet për mundësi të barabarta dhe mos diskriminim.

#### **Neni 3**

- (1) Interesat e studentëve do të përfaqësohen në Universitet përmes këtyre organeve:
  1. Parlamenti i studentëve në nivel të Universitetit;
  2. Këshillat e studentëve në nivel të secilës njësi akademike.
- (2) Organizatat studentore kanë të drejtë të propozojnë anëtarët për parlamentin e studentëve dhe këshillat e studentëve të njësive akademike në bazë të rezultateve të zgjedhjeve në çdo dy vjet.
- (3) Studentët të cilët kanë të përsëritur vite të studimeve nuk mund të kandidohen, përkatësisht të zgjidhen në pozita udhëheqëse studentore.
- (4) Studentët që janë pjesë e organeve drejtuese të partive politike nuk mund të kandidohen në listat zgjedhore të organizatave studentore.

(5) Me rastin e diplomimit, kandidati mandatar nuk mund të vazhdojë të mbajë mandatin e fituar gjatë kohës sa ishte student. Mandati i mbetur vakant plotësohet me kandidatin e radhës së renditur në listën e certifikuar të kandidatëve.

## **II. Parlamenti i Studentëve**

### **Neni 4**

(1) Parlamenti i studentëve është organ suprem i përfaqësimit të studentëve, për çështjet studentore dhe akademike në nivel të Universitetit.

(2) Parlamenti i studentëve zgjedh anëtarin student të Senatit nga lista e të propozuarve, e përgatitur nga këshillat e studentëve të secilës njësi akademike. Kryetari i Parlamentit të Studentëve është anëtar ex officio nga numri i përgjithshëm i anëtarëve studentë të Senatit – pa të drejtë vote.

(3) Parlamenti i Studentëve zgjedh një anëtar prej radhëve të studentëve, në përputhje me nenin 44, paragrafi 1.5 të Statutit të UGJFA-së.

(4) Parlamenti i studentëve duhet të fokusohet në temat si në vijim:

- Interesat e studentëve në nivel të Universitetit;
- Angazhimi për cilësinë në mësimdhënie dhe mësimxënie;
- Studimet që ndërlidhen me aspekte te reformave të Universitetit dhe zhvillimet akademike;

- Zhvillimin e cilësisë së të mësuarit dhe të vlerësimit;
- Bursat universitare;
- Ndihmat (bursat) sociale;
- Çështjet tjera të përgjithshme të interesave akademike të studentëve;
- Organizimin e aktiviteteve kulturore e sportive.

(5) Parlamenti i studentëve merr vendimet si në vijim:

- Zgjedhjen e një anëtari – student në Senatin e Universitetit;
- Zhvillimet e aktiviteteve studentore në kuadër të Universitetit
- Propozimet për Senatin e Universitetit, në lidhje me çështjet studentore dhe akademike;
- Pjesëmarrja në të gjitha komisionet dhe këshillat e Universitetit ku studentët janë anëtarë sipas Statutit;

- Çështjet tjera të ngjashme.

### **Neni 5**

- (1) Parlamenti i Studentëve (PS) përbëhet prej 11 (njëmbëdhjetë) anëtarëve.
- (2) Anëtarët propozohen nga organizatat studentore, në bazë të numrit të përgjithshëm të votave të arritura në zgjedhjet e studentëve dhe sipas listave prioritare të kandidatëve të publikuara nga secila organizatë studentore në fillim të fushatës zgjedhore.
- (3) Anëtarët e Parlamentit të Studentëve zgjedhin kryetarin dhe nënkryetarin.
- (4) Ndarja e mandateve për secilën organizatë studentore që bën fushatë, varet nga numri i përgjithshëm i përqindjes së votave që arrihet gjatë zgjedhjeve sipas kësaj rregulloreje.
- (5) Votat e organizatave studentore, të cilat nuk e kanë arritur pragun prej 5% të numrit të përgjithshëm të votave për Parlament të Studentëve, nuk do të shpërndahen në organizatat e tjera të kualifikuara për përfaqësim në Parlament të Studentëve.
- (6) Zgjedhjet e Parlamentit Studentor do të udhëhiqen nga Komisioni Qendror Zgjedhor.

### **III. Këshilli i studentëve**

#### **Neni 6**

- (1) Këshillat e studentëve janë organet e përfaqësimit të studentëve në secilën njësi akademike.
- (2) Secili këshill i studentëve propozon listën me një kandidat për anëtarin student të Senatit për t'u zgjedhur nga Parlamenti i Studentëve.
- (3) Këshilli i studentëve i secilës njësi akademike zgjedh anëtarin student të Këshillit të njësisë akademike, në përputhje me nenin 74, paragrafi 1.6 të Statutit të UGJFA-së. Kryesuesi i këshillit të studentëve është anëtar ex-officio nga numri i përgjithshëm i anëtarëve studentë të këshillit të fakultetit – pa të drejtë vote.
- (4) Secili këshill i studentëve duhet të fokusohet në temat si në vijim:
  - Interesat e studentëve në nivel të njësisë akademike;
  - Studimet që ndërlidhen me aspektet e reformave të fakultetit dhe zhvillimet akademike;

- Zhvillimi i cilësisë së mësimimit dhe të vlerësimit;
  - Bursat universitare;
  - Ndihmat (bursat) sociale;
  - Çështjet tjera të ngjashme.
- (5) Secili këshill i studentëve merr vendime si në vijim:
- Propozimin e listës për një anëtar – student të Senatit;
  - Zgjedhjen e një anëtari – student në këshillat e fakultetit;
  - Zhvillimet e aktiviteteve studentore në kuadër të fakultetit;
  - Propozimet për këshillin e fakultetit lidhur me çështjet studentore dhe akademike;
  - Pjesëmarrja në të gjitha komisionet dhe këshillat e fakultetit ku studentët janë anëtarë sipas Statutit;
  - Çështjet tjera të ngjashme.

### **Neni 7**

- (1) Numri i përgjithshëm i anëtarëve të secilit këshill të studentëve është 1% i numrit të përgjithshëm të studentëve të rregullt të regjistruar në atë njësi akademike, me më së paku 5 dhe më së shumti 21 anëtarë.
- (2) Anëtarët do të propozohen nga organizata studentore, në bazë të numrit të përgjithshëm të votave të arritura gjatë zgjedhjeve studentore për secilën njësi akademike dhe sipas listave prioritare të kandidatëve të publikuara nga organizatat studentore në fillim të fushatës zgjedhore.
- (3) Ndarja e mandateve për secilën organizatë studentore që bën fushatë, varet nga totali i përqindjes së votave të arritura gjatë zgjedhjeve sipas kësaj rregulloreje.
- (4) Votat e organizatave studentore të cilat nuk e kanë arritur pragun prej 3% të numrit të përgjithshëm të votave për Këshill të Studentëve nuk do të shpërndahen në organizatat e tjera të kualifikuara për përfaqësim në Këshill të Studentëve.
- (5) Zgjedhjet për këshilla të studentëve do të udhëhiqen nga Komisioni Zgjedhori Fakultetit në bashkëpunim me Komisionin Qendror Zgjedhor.

#### **IV. Parimet e zgjedhjeve**

##### **Neni 8**

- (1) Regjistrimi i organizatave studentore do të bëhet në Ministrinë e Administratës Publike, konform Ligjit në fuqi për Lirinë e Asociimit në Organizatat Joqeveritare.
- (2) Të gjitha organizatat studentore, të cilat janë regjistruar në mënyrë të rregullt si “shoqatë”–“asociacion” në Ministrinë e Administratës Publike sipas ligjit në fuqi konsiderohen të regjistruara, ndërsa për themelimin e organizatave të reja ato duhet të regjistrohen së paku 15 ditë para datës së zgjedhjeve.
- (3) Organizatat studentore kanë të drejtë të regjistrohen për:
  - a. përfaqësim të përgjithshëm të studentëve të universitetit;
  - b. përfaqësim të studentëve në fakultete individuale.
- (4) Numri minimal i deklaratave mbështetëse nënshkruese i nevojshëm për organizatat studentore për të arritur pranueshmërinë duhet të përcaktohet sipas rregullave të kësaj rregulloreje.
- (5) Organizata studentore për t’u certifikuar nga KQZ i UGJFA-së për përfaqësim të studentëve të universitetit duhet t’i siguroj 150 nënshkrime mbështetëse, ndërsa për përfaqësim të studentëve në fakultete individuale duhet t’i siguroj 50 nënshkrime.
- (6) Në deklaratën mbështetëse duhet të shënohet: Emri dhe mbiemri, numri i indeksit – dosjes, Fakulteti, Departamenti dhe nënshkrimi.
- (7) Në rast se konstatohen parregullsi në plotësimin e shënimeve Komisioni Qendror Zgjedhor anulon regjistrimin e organizatës.
- (8) Data kualifikuese për organizatat studentore, për të fituar të drejtën e pjesëmarrjes në zgjedhjet studentore, do të caktohet 15 ditë para ditës së zgjedhjeve. Procesi i regjistrimit dhe licencimit duhet të përfundojë në atë datë.

##### **Neni 9**

- (1) Anëtarët e parlamentit të studentëve dhe këshillat e studentëve do të zgjidhen në pajtim me procedurat për zgjedhje parlamentare.
- (2) Përfaqësimi i studentëve në parlamentin studentor do të jetë në bazë të numrit të votave të fituara për Parlamentin e Studentëve.

(3) Gjatë zgjedhjeve do të aplikohet sistemi i përfaqësimit proporcional. Kjo siguron që secila organizatë studentore që ka fituar numrin e përgjithshëm të votave mbi pragun përkatës të arritur, do të fitojë numrin e ulëseve në proporcion me përqindjen e votave të cilat ata i kanë marrë.

(4) Limiti (pragu) për nominimin e anëtarëve të organizatave studentore është:

- 5% i numrit të përgjithshëm të votave për Parlamentin e studentëve.
- 3% i numrit të përgjithshëm të votave në nivel të njësisë përkatëse akademike për këshillat e fakulteteve të njësive akademike.

(5) Organizatat Studentore, të cilat i nënshtrohen procesit zgjedhor dhe arrijnë të kalojnë pragun prej (5%, respektivisht 3%) fitojnë të drejtën t'i nënshtrohen procesit të kalkulimit të mandateve në bazë të procedurave për zgjedhje parlamentare për ndarjen e mandateve. Kalimi i pragut prej 5%, respektivisht 3% nuk garanton që Organizata studentore të sigurojë automatikisht një mandat.

#### **Neni 10**

Mandati i anëtarëve të Parlamentit të studentëve dhe i këshillit të studentëve të njësive akademike zgjat 2 vjet.

#### **Neni 11**

(1) Zgjedhjet e studentëve shpallen nga Këshilli Drejtues i Universitetit.

(2) Zgjedhjet e studentëve mbahen jo më larg se 30 ditë pasi të shpallen zgjedhjet nga Këshilli Drejtues i Universitetit. Data e saktë përcaktohet nga Këshilli Drejtues.

(3) Organizatat e studentëve që fitojnë të drejtën për të marrë pjesë në zgjedhjet studentore në nivel universiteti apo fakulteti duhet të mbajnë fushatën bazuar në listën prioritare të kandidatëve, gjithnjë duke respektuar nenin 7 al. 2 dhe nenin 9 al. 2 të kësaj rregullore.

(4) Periudha e fushatës zgjedhore për organizatat e studentëve do të fillojë në ditën e shpalljes së zgjedhjeve dhe do të përfundojë 24 orë para datës së zgjedhjeve, duke e llogaritur kohën që nga ora 00:00 e ditës së shpalljes së zgjedhjeve. Zgjedhjet do të udhëhiqen nga Komisioni Qendror Zgjedhor, ndërsa do të monitorohen nga institucione, organizata dhe palë të tjera të interesit për monitorim të zgjedhjeve (neni 3, paragrafi 1.5 i UA nr. 07/2015).

(5) Shkeljet e rregullave dhe procedurave zgjedhore do të sanksionohen nga Komisioni Qendror Zgjedhor dhe Këshilli Drejtues si shkallë e dytë.

## **V. Komisioni Qendror Zgjedhor dhe Komisionet Zgjedhore të fakultetit**

### **Neni 12**

(1) Komisioni Qendror Zgjedhor (KQZ) duhet të themelohet nga Këshilli Drejtues para shpalljes së zgjedhjeve, ndërsa brenda dy ditëve të punës pas datës së shpalljes së zgjedhjeve do të konstituohet nga kryesuesi i Këshillit Drejtues. Kryesuesi i Komisionit Qendror Zgjedhor merr përsipër udhëheqjen e komisionit pas zgjedhjes së tij/saj.

(2) Komisioni Qendror Zgjedhor përbëhet nga anëtarët si në vijim:

1. Sekretari i përgjithshëm i universitetit;
2. Një përfaqësues nga Ministria e Arsimit, Shkencës dhe Teknologjisë me kompetencat përkatëse ligjore i caktuar nga MASHT – i;
3. Nga një përfaqësues prej të tri organizatave më të mëdha të studentëve në kuadër të votave të fituara në zgjedhjet e fundit.
4. Një përfaqësues i KQZ të Republikës së Kosovës, në cilësi të monitoruesit.

(3) Kryesuesi i Këshillit Drejtues duhet të dërgojë kërkesë me shkrim për të marrë emrat e nominuar nga organizatat nominuese sipas paragrafit (2) të këtij neni që në ditën e shpalljes së zgjedhjeve. Kjo shkresë duhet t’iu dërgohet së bashku me një ftesë për mbledhjen konstituive. Nominimet duhet të dorëzohen me shkrim te kryesuesi i Këshillit Drejtues, më së voni një ditë para mbajtjes së takimit konstituiv. Nominimet e vonuara nuk do të bëjnë pezullim të procedurave.

(4) Sekretari i përgjithshëm është kryetar i KQZ-së, sipas detyrës zyrtare. Zëvendëskryetari zgjedhet nga KQZ, nga mesi i anëtarëve student.

(5) Komisioni Qendror Zgjedhor është përgjegjës për përgatitjen, udhëheqjen dhe mbarëvajtjen e zgjedhjeve studentore.

(6) Rezultatet e zgjedhjeve shpallen ekskluzivisht nga Komisioni Qendror Zgjedhor.

(7) Komisioni Qendror Zgjedhor duhet të aprovojë udhëzimet për votim me propozim të kryesuesit të komisionit brenda 7 ditëve pas konstituimit.



### **Neni 13**

- (1) Për secilin fakultet të Universitetit, KQZ duhet të themelojë komisionin e zgjedhjeve brenda pesë ditëve pas shpalljes së zgjedhjeve.
- (2) Komisioni Zgjedhor i Fakultetit përbëhet nga anëtarët si në vijim:
  1. Nga një përfaqësues prej dy organizatave me të mëdha të studentëve që kanë fituar më së shumti vota në zgjedhjet e fundit.
  2. Sekretari i fakultetit<sup>1</sup>.
  3. Nominimet duhet të dorëzohen me shkrim te kryesuesi i Komisionit Qendror Zgjedhor para mbajtjes së takimit konstituiv. Nominimet e vonuara nuk do të bëjnë pezullim të procedurave të konstituimit të KZF-së.
- (3) Sekretari i fakultetit është kryetar i Komisionit Zgjedhor të Fakultetit. Zëvendëskryetari zgjidhet nga mesi i anëtarëve studentë me shumicë votash.
- (4) Komisioni Zgjedhor i Fakultetit përkrah Komisionin Qendror Zgjedhor në përgatitjen, udhëheqjen dhe mbarëvajtjen e zgjedhjeve studentore në fakultetin përkatës.

### **Neni 14**

- (1) Asnjë student nuk mund të jetë anëtar i më shumë se një zgjedhjeje apo komisioni të fakultetit.
- (2) Asnjë student nuk ka të drejtë që emri i tij të jetë në më shumë se një listë të kandidatëve.
- (3) Asnjë student i cili/cila është anëtar i një zgjedhjeje apo komisioni zgjedhor nuk ka të drejtë të mbështes listën e kandidatëve apo anasjelltas.
- (4) Të gjithë anëtarët e Komisionit Qendror Zgjedhor dhe të komisioneve zgjedhore të fakultetit duhet të nënshkruajnë një deklaratë me shkrim, e cila përgatitet nga kryesuesi i Komisionit Qendror Zgjedhor, e cila thotë se ata/ato do të punojnë gjatë mandatit të tyre me përpikëri në mënyrë të paanshme dhe me ndërgjegje të plotë.
- (5) Këshilli Drejtues ka të drejtë që përkohësisht të suspendoj anëtarët student të zgjedhjeve apo komisionit zgjedhor të fakultetit me rekomandim të kryesuesit të Komisionit Qendror Zgjedhor, në rast të ndonjë shkelje të dëshmuar të rregullave të

---

<sup>1</sup>Në mungesë të nëpunësve civil sekretar i fakultetit, do të caktohet personi nga radha e personelit administrativ të fakultetit respektivisht universitetit.

kësaj rregullore nga anëtarët përkatës. Në këtë rast, pozita nuk do të ri – plotësohet për periudhën gjatë suspendimit.

#### **Neni 15**

- (1) Kryetari i Komisionit Qendror Zgjedhor është përgjegjës për:
- Thirrjen e takimeve të KQZ;
  - Udhëheqjen e takimeve;
  - Udhëzimin për procesin e vendim marrjes;
  - Përgatitjen e procesverbalit të takimeve;
  - Ekzekutimin vendimeve të KQZ;
  - Koordinimin e komisioneve të fakulteteve.
- (2) Kryetarit të KQZ i caktohet një bashkëpunëtor që do ta ndihmojë në kryerjen e punëve teknike.
- (3) Këshilli Drejtues është i obliguar që të ofrojë mbështetje të mjaftueshme administrative për kryesuesin e KQZ, në mënyrë që t'i përmbushë obligimet e përshkruara nga kjo Rregullore.
- (4) Në rast se kryetari mungon, përgjegjësitë sipas paragrafit (1) të këtij neni do t'i marrë zëvendës kryesuesi.

#### **Neni 16**

Secila organizatë e studentëve që kualifikohet për pjesëmarrje në zgjedhjet e studentëve sipas kësaj rregulloreje, dhe e cila nuk është e përfaqësuar në komisionin zgjedhor apo në komisionet e fakultetit, ka të drejtë të nominojë një vëzhgues në komisionin zgjedhor.

#### **Neni 17**

- (1) Në rast të dorëheqjes së hershme të anëtarëve, ashtu si janë listuar në nenin 12 (2) dhe 13 (2.3) të kësaj Rregulloreje, Këshilli Drejtues duhet të kërkojë nga organizata deleguese të caktojë nominimin e anëtarit brenda periudhës sa më të shkurtër.
- (2) Në rast të mungesës së kuorumit të komisionit zgjedhor, për shkak të mos përcaktimit të nominimit, kryetari i Komisionit Qendror Zgjedhor ka të drejtën të marrë vetë vendime.

### **Neni 18**

- (1) Në KQZ duhet të jenë prezent kryetari plus së paku edhe dy anëtarë që të ketë kuorum. KZF duhet ta ketë të pranishëm kryesuesin dhe së paku një anëtar më shumë për të arritur kuorumin.
- (2) Në rast se mungon kuorumi, kryetari mund të thërras një takim tjetër brenda 24 orësh.
- (3) Në rast se mungon kuorumi gjatë dy takimeve të njëpasnjëshme, kryetari e gëzon të drejtën e marrjes së vendimeve për pikat e rendit të ditës.
- (4) Vendimet e Komisionit Qendror Zgjedhor dhe Komisionit Zgjedhor të Fakultetit merren me shumicë votash.
- (5) Në rast të votimit të barabartë vota e kryetarit është vendimtare.

### **Neni 19**

- (1) Kryetari obligohet që ta ftojë mbledhjen e KQZ në afatin e paraparë sipas kësaj rregulloreje, më së voni 24 orë pasi të njoftohen për rastin përkatës.
- (2) Thirrja (ftesa) duhet t'i dorëzohet anëtarëve më së voni një ditë para takimit. Ftesa duhet të përmbajë rendin e ditës.

### **Neni 20**

- (1) Procesverbali i takimit duhet të përgatitet për çdo takim të KQZ dhe KZF. Procesverbali duhet të përfshijë një përshkrim të shkurtër të takimit dhe të vendimeve që janë marrë. Procesverbali duhet të nënshkruhet nga kryetari i KQZ-së, përkatësisht KZF-së.
- (2) Të gjitha procesverbalet e takimeve nga KQZ dhe të KZF duhet të ruhen nga kryetari përkatës. Nga një kopje për secilin takim duhet t'i jepet Sekretarit të Përgjithshëm të Universitetit dhe duhet të ruhet në arkiv për një periudhë prej tre vjetësh.

### **Neni 21**

- (1) Takimi i KZF-së duhet të thirret nga kryetari i KZF-së.
- (2) Për udhëheqjen e takimeve të KZF-së, do të jenë të vlefshme rregullat përkatëse të kësaj rregulloreje për KQZ-në.

### **Neni 22**

- (1) Komisioni Qendror Zgjedhor ka këto përgjegjësi:

1. zbatimin e dinamikës së zgjedhjeve të përcaktuar nga Këshilli Drejtues;
  2. përgatitjen e listave për zgjedhje të personave me të drejtë zgjedhjeje;
  3. vendimet rreth kundërshtimeve kundër listës së zgjedhjeve;
  4. konstatimi i numrit të përgjithshëm të mandateve;
  5. vlerësimi i listës së kandidatëve;
  6. kryesimi i procedurave zgjedhore;
  7. verifikimi përfundimtar i identitetit të votuesve;
  8. konstatimi i rezultateve të zgjedhjeve;
  9. dhënia e mandatit për t'i pranuar organizatat dhe kandidatë të zgjedhur.
  10. informimi kandidatëve;
  11. shpallja e rezultateve të zgjedhjeve;
  12. zëvendësimi i mandatit;
  13. konstituimi i parlamentit të studentëve;
  14. koordinimi i komisioneve zgjedhore të fakulteteve për konstituimin e këshillave të studentëve;
- (2) Lista e organizatave të pranuar të studentëve duhet të shpallen publikisht më së voni 14 ditë para ditës së zgjedhjeve.
- (3) Listat e kandidatëve duhet të shpallen publikisht më së voni 5 ditë para ditës së zgjedhjeve.
- (4) Rezultatet e zgjedhjeve duhet të shpallen publikisht brenda 3 ditëve pas ditës së zgjedhjeve. Mandatet duhet të caktohen në kohë të njëjtë.

### **Neni 23**

- (1) Administrata Qendrore dhe shërbimi i studentëve të njësive akademike janë të obliguar t'ia sigurojnë listën përfundimtare KQZ-së, me të gjitha të dhënat e studentëve që kanë të drejtë të votojnë, më së voni 7 ditë pas shpalljes së zgjedhjeve të studentëve nga Këshilli Drejtues.
- (2) Studentët me të drejtë votë duhet t'i përmbushin këto dy kualifikime si në vijim:
- Të kenë statusin e studentit të rregullt/korrespondencë sipas Nenit 126, pika 1, e Statutit të Universitetit.
  - Të kenë indeksin të vulosur ose ID kartën që dëshmon se studenti është i regjistruar në vitin akademik në të cilin mbahen zgjedhjet.

- (3) Data kualifikuese për listën e studentëve që kanë të drejtë të votojnë do të caktohet 14 ditë para zgjedhjeve.
- (4) Lista e studentëve që kanë të drejtë të votojnë duhet të bëhet publike dhe të jetë e qasshme për KQZ-në brenda 7 ditëve pasi që zgjedhjet të jenë shpallur nga Këshilli Drejtues.
- (5) Brenda kësaj periudhe, secili studentë ka të drejtë të ankohet kundër përmbajtjes së listës përmes deklaratës me shkrim e cila mund t'i paraqitet kryetarit të KQZ-së.
- (6) Kundërshtimet kundër listës së studentëve me të drejtë vote duhet të paraqitën më së voni 14 ditë para zgjedhjeve dhe duhet të vendosët për ato kundërshtime brenda 24 orëve pas pranimit të tyre.

## **VI. Lista e kandidatëve**

### **Neni 24**

- (1) Organizatat e studentëve me të drejtë pjesëmarrje në zgjedhje për parlament studentor apo këshilla të studentëve, sipas parimeve të kësaj rregulloreje, duhet të dorëzojnë listat e kandidatëve në KQZ përmes postës së regjistruar më së voni 5 ditë pas certifikimit, duke përdorur formularin e Listës së Kandidatëve ashtu siç është paraqitur në shtojcën 2. Pasi të dorëzohet lista te KQZ, ajo nuk do të ndryshohet më.
- (2) Secila listë e kandidatëve duhet të përmbajë:
- Emrin e organizatës të studentëve;
  - Organin qeverisës që do të zgjidhet, (parlamentin studentor apo këshillin e studentëve;
  - Listën prioritare të kandidatëve;
  - Deklaratën e pëlqimit të kandidatëve;
  - Personin e autorizuar të organizatës studentore.
- (3) Në rast të emrave kontradiktor të dy apo më shumë organizatave të ndryshme studentore, KQZ duhet të kërkojë nga personat e autorizuar të secilës organizatë të përfshirë që të gjejnë një zgjidhje së paku 7 ditë para ditës së zgjedhjeve. Në rast se nuk gjendet ndonjë marrëveshje deri në atë datë, KQZ vendos për përjashtimin nga zgjedhjet.

(4) Organizatat studentore të UGJFA-së, të cilat kanë qenë të përfaqësuara edhe më parë në përfaqësimin e studentëve, do të kenë të drejtën t'i mbajnë emrat e tyre.

(5) Përdorimi i emrave të partive politike ekzistuese të Kosovës, si emra të organizatave të studentëve nuk do të lejohet.

#### **Neni 25**

(1) Lista e kandidatëve e organizatave studentore duhet të përbëhet prej maksimumit, sa dyfishi i mandateve të lejueshme që të zgjidhet një organ (trup). Kandidatët tepricë duhet të hiqen prej listës nga KQZ.

(2) Për secilin kandidat, që duhet të përmbushë kualifikimin sipas nenit 23 (2), në mënyrë që kandidatura të jetë e ligjshme duhet të ofrohen informacionet (të dhënat) si në vijim.

- Emri dhe Mbiemri
- Vendi i lindjes
- Data e lindjes
- Adresa
- Titulli i studimeve aktive – Fakulteti
- Numri i indeksit – ID kartës
- Dëshmia e regjistrimit të studentit të rregullt –vula
- Deklarata e pëlqimit.

(3) Kandidatët të cilët nuk i përmbushin këto kualifikime për të pasur të drejtë vote sipas nenit 23 paragrafi (2), KQZ i largon nga lista e kandidatëve.

#### **Neni 26**

(1) Në listën e kandidatëve, çdo i treti kandidat duhet të jetë femër.

(2) Për detaje tjera të rregullave dhe nevojave gjinore të listës së kandidatëve mund të i referoheni Ligjit për Barazi Gjinore nr.2004/2.

#### **Neni 27**

(1) Vlefshmëria e listës së kandidatëve duhet të kontrollohet nga KQZ menjëherë pasi të merret nga Organizata Studentore.

(2) Në rast të parregullsive, lista e kandidatëve duhet të kthehet mbrapa te personi i autorizuar i organizatës studentore përkatëse, me shpjegimet e nevojshme për përmirësim.

(3) Lista e përmirësuar e kandidatëve duhet të dorëzohet te KQZ nga organizata studentore më së voni 7 ditë para zgjedhjeve.

(4) Nëse lista zgjedhore apo lista e kandidatëve, e cila është kthyer për përmirësim, nuk dorëzohet brenda periudhës kohore të caktuar, kandidatura e organizatës përkatëse studentore konsiderohet si e tërhequr.

#### **Neni 28**

(1) Secila organizatë studentore do të ketë të drejtën të tërheqë kandidaturën e saj përmes deklaratës me shkrim, e cila duhet të jetë e nënshkruar nga përfaqësuesi i autorizuar, më së voni 7 ditë para zgjedhjeve.

(2) Kandidatura e organizatës studentore do të konsiderohet si e tërhequr, nëse numri i kërkuar i kandidatëve sipas kësaj rregulloreje nuk është dhënë për arsye se kandidatët kanë tërhequr kandidaturën me shkrim dhe deklaratë në nënshkruar, më së voni 7 ditë para zgjedhjeve.

#### **Neni 29**

(1) Lista zgjedhore apo lista e kandidatëve, e cila nuk dorëzohet brenda periudhës së caktuar, nuk pranohet nga KQZ.

(2) Për vlerësimin e datës së saktë të dorëzimit, data e pullës postare apo data e dorëzimit personal do të jetë vendimtare.

(3) Kryesuesi i KQZ-së është i obliguar dhe duhet të aranzhojë në periudhën para zgjedhjeve një fushatë informuese përmes fletushkave për studentët me të drejtë vote, duke i informuar për procedurat zgjedhore. Rektorati është i obliguar të ofrojë resurset e nevojshme për një proces të tillë zgjedhor dhe të njëjtat t'i bëjë publike.

## **VII. Mbajtja e zgjedhjeve**

### **Neni 30**

(1) Qendrat e vendvotimeve në të gjitha njësitë akademike hapen në ora 8:00 dhe mbyllen në ora 17:00, përjashtimisht nga kjo nëse në kohën e mbylljes së vendvotimeve ka radhë të votuesve atëherë koha e mbylljes së vendvotimit shtyhet deri në votimin e studentit të fundit.

(2) Numrin e vendvotimeve nëpër fakultete e cakton KQZ.

### **Neni 31**

(1) KZF është i obliguar që të ofrojë vendvotime të përshtatshme zgjedhore për mbajtjen e zgjedhjeve në secilën ndërtesë të fakultetit. Pajisjet e nevojshme, siç janë: kutitë e votimit, kabinat e votimit dhe pajisje tjera të nevojshme për votim duhet të sigurohen nga KQZ.

(2) Gjatë procesit të zgjedhjeve, përveç anëtarëve të KQZ-së dhe KZF-së, në vendvotime mund të kenë qasje personat si në vijim:

- vëzhguesit zyrtar të caktuar për zgjedhje;
- votuesit;
- personeli tjetër i caktuar zyrtar, përgjegjës për funksionim të rregullt.

(3) Pasi vota të jetë hedhur, votuesit duhet të largohen nga vendvotimi pa vonesë.

(4) Nëse paraqitet si e nevojshme, për arsye të funksionimit të rregullt të procedurës zgjedhore, kryesuesi i KQZ-së ose KZF-së ka të drejtë të kufizojë qasjen e votuesve në vetëm nga një votues sipas radhës.

(5) Në hyrje të vendvotimeve nuk lejohet prezenca e përfaqësuesve të organizatave studentore, të cilët nuk janë cekë në paragrafin 2 të këtij neni.

### **Neni 32**

(1) Secili vendvotim duhet të ketë së paku një kabinë votimi.

(2) Kabina e votimit duhet të vendoset në atë pozicion, në mënyrë që votuesi të mos jetë i vëzhguar nga persona të tjerë që janë të pranishëm në vendvotim gjatë procedurës së votimit.

### **Neni 33**

(1) Fletëvotimet për Këshilla të Studentëve dhe për Parlament të Studentëve duhet të dallohen përmes ngjyrës.



(2) Fletëvotimet duhet të palosën së paku njëherë para se të hidhen në kutinë e votimit.

#### **Neni 34**

KQZ, respektivisht KZF është përgjegjës për mbajtjen e procedurave zgjedhore në pajtueshmëri me rregulloren për zgjedhje.

#### **Neni 35**

(1) Votimi duhet të bëhet personalisht. Personat me nevoja të veçanta, të cilët nuk mund të votojnë pa ndihmën e personit përcjellës, kanë të drejtë të zgjedhin një person i cili do t'i ndihmojë gjatë procedurës së votimit.

(2) Përveç përjashtimit nga paragrafi (1) të këtij neni, në kabinën e votimit mund të hyjë vetëm nga një person sipas radhës.

#### **Neni 36**

(1) Secili votues është i obliguar ta dëshmojë identitetin e tij/sajë para KZF-së përmes paraqitjes së indeksit – ID kartës.

(2) Vlerësimi i pranueshmërisë duhet të bëhet ekskluzivisht në bazë të listës zgjedhore për personat që kanë të drejtë votimi.

#### **Neni 37**

(1) Secili student me të drejtë vote ka të drejtë të votojë për:

- a. Parlamentin Studentor të Universitetit;
- b. këshillat e studentëve në fakultetin ku ai/ajo është listuar si student me të drejtë vote.

(2) KZF e drejton votuesin për të hyrë në kabinën e votimit.

(3) Votuesi e mbush fletëvotimin, e palos njëherë dhe del jashtë kabinës së votimit.

(4) KZF tërheq mbulesën e kutisë së votimit dhe votuesi e fut fletëvotimin e palosur në kuti të votimit.

(5) Në rast se ndodh ndonjë gabim nga votuesi gjatë mbushjes në fletëvotim, KZF është i obliguar t'i ofrojë edhe një fletëvotim me kërkesën e votuesit. Fletëvotimi paraprak duhet të anulohet nga KZF në prani të votuesit.

(6) Dorëzimi i fletëvotimit shtesë duhet të regjistrohet në protokollet e votimit.

### **Neni 38**

- (1) Votuesi i cili ka hedhur votën, duhet të regjistrohet në regjistrin e votimit nga një anëtar i KZF-së. Për regjistrim përdoret *Formulari i shtojcës 4* kësaj rregulloreje.
- (2) Emri duhet të regjistrohet me numrin origjinal të listës së votuesve me të drejtë vote.
- (3) Anëtari tjetër i KZF-së duhet të evidentojë emrin e votuesit në listën e votuesve me të drejtë vote.

### **Neni 39**

Votimi duhet të regjistrohet me vulë në anën e prapme të brendshme të indeksit nga një anëtarë i KZF-së, ndërsa për studentët me ID kartelë, regjistrimi bëhet përmes markerit special në pjesën e prapme të kartelës.

### **Neni 40**

- (1) Në rast të dyshimit të identitetit të studentit, KZF ka të drejtë të kërkojë dokumente shtesë të identifikimit.
- (2) Nëse identiteti nuk mund të qartësohet, studenti nuk lejohet të votojë.
- (3) Pasi të dorëzohet fletëvotimi, asnjë dyshim tjetër sa i përket identitetit të votuesit nuk merret parasysh.

### **Neni 41**

- (1) Për fletëvotim përdoret formulari i Fletëvotimit sipas *shtojcës 5 të kësaj rregulloreje*. Fletëvotimet duhet të përmbajnë informacione në të tri gjuhët zyrtare në Kosovë (Shqip, Anglisht dhe Serbisht).
- (2) Renditja e organizatave studentore në fletëvotim duhet të përcaktohet përmes hedhjes së shortit (lotarisë) e cila mbahet nga KQZ.
- (3) Përgatitja e fletëvotimeve duhet të realizohet nga kryesuesi i KQZ-së, sipas dinamikës së përcaktuar nga Këshilli Drejtues.

### **Neni 42**

Fletëvotimi konsiderohet i vlefshëm, nëse aty ka evidencë të pa diskutueshme për organizatën studentore apo kandidatit të cilin votuesi e ka zgjedhur. Ky është rasti kur votuesi shënon qarkun në të majtë të emrit të organizatës së pranueshme apo

kandidatit me një iks (x) apo me tik ( $\surd$ ), në mënyrë që qëllimi i votuesit për të zgjedhur organizatën apo kandidatin përkatës tregohet me qartësi.

#### **Neni 43**

- (1) Fletëvotimi njihet si i pavlefshëm, nëse:
  1. Përdoret edhe një fletëvotim përveç fletëvotimit të rregullt;
  2. Fletëvotimit i shqyhet një pjesë në atë mënyrë që nuk do të ketë mundësi të qartësohet se cila organizatë studentore apo kandidat është zgjedhur;
  3. Kur as një organizatë studentore apo kandidat nuk është shënuar;
  4. Kur dy apo më shumë organizata studentore apo kandidatë janë shënuar.
  5. Kur shënimi apo shenjat në fletëvotime janë bërë në atë mënyrë që nuk mund të përcaktohet se cila organizatë apo kandidat është votuar.
- (2) Fjalët, komentet apo shenjat tjera të cilat shënohen në fletëvotim e bëjnë fletëvotimin e pavlefshëm.

#### **Neni 44**

- (1) Pasi të përfundojë periudha zgjedhore, kryesuesi i KZF-së deklaron përfundimin e votimeve. Vendvotimi duhet të mbyllet vetëm nga anëtarët e KZF-së, në praninë e vëzhguesve dhe monitoruesve të interesuar.
- (2) KZF duhet t'i përziej fletëvotimet në kutin e votimit, pastaj i zbrazë dhe:
  1. Numëron fletëvotimet për secilin organ të votuar;
  2. Konstaton numrin e përgjithshëm të votuesve të regjistruar në regjistrat e votimeve;
  3. Në rast të mos përputhjes së rezultateve sipas pikës 1 dhe 2 të këtij paragrafi, identifikon arsyet e kësaj mospërputhjeje.
- (3) KZF shpalos fletëvotimet, i rregullon ato sipas organit të votuar, kontrollojnë vlefshmërinë, identifikon fletëvotimet e pavlefshme sipas numrit të radhës dhe konstaton:
  1. Numrin e përgjithshëm të votave të hedhura.
  2. Numrin e përgjithshëm të votave të hedhura të pavlefshme
  3. Numrin e përgjithshëm të votave të hedhura të vlefshme
  4. Numrin e përgjithshëm të votave të vlefshme për secilën organizatë studentore apo kandidat.

(4) Rezultatet sipas pikës (3) të këtij Neni, menjëherë pas numërimit të votave i dorëzohen kryesuesit të KQZ-së, në kopje të fortë dhe elektronike.

#### **Neni 45**

(1) KZF, brenda 24 orëve pas mbylljes së vendvotimit, duhet të dorëzojë në KQZ një raport me shkrim për procedurën zgjedhore dhe rezultatet e zgjedhjeve.

Për protokoll duhet të përdoret formulari i Protokollit të Procedurës së Zgjedhjeve *sipas shtojcës 6 të kësaj rregulloreje*.

(2) Raporti duhet të përmbajë të dhënat si në vijim:

- a) Emrin e vendvotimit dhe datën e votimit;
- b) Emrat e anëtarëve të KZF-së;
- c) Emrat e vëzhguesve dhe monitoruesve;
- d) Numrin e saktë të fletëvotimeve të dorëzuara për secilin organ që është në zgjedhje;
- e) Koha e fillimit dhe e mbarimit e periudhës së zgjedhjeve;
- f) Vendimet e KZF-së për moslejimin eventual të ndonjë votuesi për votim;
- g) Vendime tjera të KZF-së gjatë periudhës së zgjedhjeve (p.sh. pengimet gjatë periudhës së zgjedhjeve, votimet përmes përcjelljes mbështetëse të ndonjë personi etj.)

(3) Këtij raporti duhet t'i bashkëngjiten edhe:

- a) Listë a e votuesve me të drejtë vote;
- b) Regjistri i votimit;
- c) Votat e pavlefshme, të ndara, paketuara dhe të markuar për secilin organ apo kandidat që është në zgjedhje
- d) Votat e vlefshme, të ndara, paketuara dhe të markuar për secilin organ apo kandidat që është në zgjedhje
- e) Fletë votimet e pa shfrytëzuara, të ndara, paketuara dhe ta markuar.

(4) Raporti duhet të nënshkruhet nga të gjithë anëtarët e pranishëm të KZF-së, vëzhguesit dhe monitoruesit. Në rast të refuzimit të nënshkrimit, arsye duhet të evidentohen në raport.

#### **Neni 46**

- (1) Në rast të rrethanave të veçanta apo incidenteve në vendvotim, KZF ka të drejtë të ndërpres procesin e votimit dhe vazhdojë votimin në një ditë tjetër.
- (2) Secila shtyrje e zgjedhjeve duhet të shpallet në publik pa vonesë nga kryesuesi i KZF-së.
- (3) Nëse procesi i votimit ka filluar dhe pastaj pengohet, të gjitha veprimet zgjedhore, fletëvotimet dhe kutitë e votimit duhet të mbyllet nga kryesuesi i KZF-së derisa procedura zgjedhore të vazhdohet.

#### **Neni 47**

- (1) Shpërndarja e mandateve duhet të kalkulohet nga KQZ në pajtueshmëri me rregullat e kësaj rregulloreje.
- (2) Për shpërndarjen e mandateve duhet të përdoret formulari për Dhënin e Mandateve sipas shtojcës 7 të kësaj rregullore.

#### **Neni 48**

- (1) Rezultati preliminar i zgjedhjeve duhet të publikohet nga KQZ, më së largu 24 orë pas përfundimit të zgjedhjeve.
- (2) Rezultati përfundimtar i zgjedhjeve duhet të publikohet nga KQZ, më së largu 3 ditë pas përfundimit të zgjedhjeve.
- (3) Shpallja duhet të përmbajë:
  - a) Rezultatin e zgjedhjeve në shifra, të renditur sipas organizatës studentore dhe kandidatit.
  - b) Numrin e përgjithshëm të mandateve për secilën organizatë studentore të votuar.
  - c) Listën e kandidatëve për secilin organ.

#### **Neni 49**

- (1) Mandatarët e zgjedhur duhet të informohen nga KQZ në ditën e shpalljes së rezultateve përfundimtare.
- (2) Për letrën informuese mund të përdoret formular për Njoftimin e Mandatarëve sipas shtojcës 8 të kësaj rregulloreje.
- (3) Mandati konsiderohet i pranuar, nëse mandatarin nuk e kundërshton zgjedhjen e tij brenda dy ditëve pasi që rezultati përfundimtar i zgjedhjeve të jetë shpallur.

(4) Në rast të kundërshtimit të mandatit nga mandatar, mandati duhet t'i caktohet kandidatit vijues sipas listës së kandidatëve.

#### Neni 50

(1) Kundërshtimet kundër procedurave dhe rezultateve të zgjedhjeve të studentëve duhet t'i dorëzohen KQZ-së brenda 48 orëve pasi të jenë shpallur rezultatet preliminare të zgjedhjeve.

(2) Ankesat eventuale të studentëve dhe organizatave studentore ndaj rezultateve zgjedhore, shqyrtohen dhe vendosen nga KQZ brenda 48 orëve pas pranimit të tyre.

(3) Kundërshtimet për arsye të shkeljeve të rregullave të kësaj rregulloreje nga KQZ, duhet të shqyrtohen dhe merret vendim nga Këshilli Drejtues si shkallë e dytë.

(4) Çdo ndryshim në rezultatin e zgjedhjeve për arsye të pranimit të ankesave duhet të shpallet publikisht nga KQZ.

(5) Vendimi i Këshillit Drejtues është përfundimtar.

#### Neni 51

(1) Nëse Këshilli Drejtues konstaton se shkeljet e procedurave zgjedhore kanë qenë të atyre përmasave që esencialisht kanë ndikuar në rezultatin zgjedhor, atëherë procesi zgjedhor do të përsëritet sipas procedurës së njëjtë vetëm në fakultetin përkatës, brenda 7 ditëve pas marrjes së vendimit nga Këshilli Drejtues.

(2) Zgjedhjet nuk duhet të përsëriten gjatë periudhës së pushimit.


(3) Përzgjedhjet e përsëritura përdoren lista origjinale e zgjedhjeve dhe lista e kandidatëve.

#### Neni 52

(1) Rregullorja hyn në fuqi në ditën e miratimit nga Këshilli Drejtues i Universitetit.

(2) Me hyrjen në fuqi të kësaj rregulloreje shfuqizohet Rregullorja e datës 10.03.2015.

(3) Për çështjet që nuk janë të rregulluara me këtë rregullore, zbatohen dispozitat e Ligjit mbi Arsimin e Lartë të Kosovës dhe Statutit të UGJFA-së.



Prof. Dr. Luan Ahma

Kryesues i KD-së